



27.September.2017

UKA2017/88 & 89

**Uunga siunnersuut: Aningaasaatigisanit iluanaarutit akileraarusersornerqarnerat
Pillugu inatsisartut inatsisaat nr. xx, xx. Xxx 2017-imeersoq aamma
Soraarnerussutisiaqalernissamut aningaasaatit ilaannit pissarsiat
Akileraaruserneqartarnerat pillugu inatsisartut inatsisaat nr. xx, xx. xxx 2017-imeersoq**

(Aningaasaqarnermut Akileraartarnermullu Naalakkersuisoq)

Inatsisisattut siunnersuutit marluk, siulleq Aningaasaatigisanit iluanaarutit akileraaruserserniarneqarnerat, aappaatullu Soraarnerussutisiaqalernissamut aningaasaatit ilaannit pissarsiat Akileraaruserserniarneqarnerat pillugit Partii Naleqqamiit imatut oqaaseqarfingissavagut.

Nunatsinni Soraarnerussutisiaqalernissamut suliniummut tapersuilluinnarpugut, tassami Nunatta avataanut aningaasarpassuit kuussuartulli kuugussaasutut aniasut isiginngitsuusaaginnarnagit killilersorneqartariaqalermata.

Maluginiakkatta ilagaat tusarniaanermi tusarniaffigineqartunik piffissaq tusarniaanermi atorneqartoq assut sivikigineqarsimasoq, aammalu sulinngiffeqarnerup nalaaniissimanera iluarineqarsimanngeqisoq kiisalu tusarniaffigineqartunit inatsisisattut siunnersuutit ilusiligaanerat arlalippassuartigut isornartoqartikkaat aamma maluginiarparput.

Taamaatumik uparuartutigineqartut sukumiilluinnartumik nalilersoqqinnejarnissaat tunngavigalugu, taamatut oqaaseqarluta naakkaluamik ataatsimiititaliamut susassaqartumut ingerlateqqinnejarnissaat innersuuppagut

Henrik Fleischer

